



儀禮

八之十

口 12
2912
4



2912



儀禮卷第八

聘禮第八

題注



五味均平藏



四ノ一

聘禮第八 題注 鄭目録云大問曰
 聘諸侯相於天子無
 事使卿相問之禮小聘使大夫周禮
 曰凡諸侯之邦交歲相問也殷相聘
 也世相朝也於五禮屬賓禮大戴第
 十四小戴第十一五別錄第八
 聘禮○君與卿圖事遂命使者使者再拜
 稽首辭君不許乃退既圖事戒上介亦如
 之宰命司馬戒衆介衆介皆逆命不辭宰
 書幣命宰夫官具及期夕幣使者朝服帥



衆介ヲ必シテ管人布幕于寢門外官陳幣皮北
 首ヲ西上加其奉於左皮上馬則北面奠幣
 于其前使者北面衆介立于其左東上卿
 大夫在幕東西面北上宰入告具于君君
 朝服出門左南卿史讀書展幣宰執書告
 備具于君授使者使者受書授上介公揖
 入官載其幣舍于朝上介視載者所受書
 以行厥明賓朝服釋幣于禰有司筵几于

カノ二

室中祝先入主人從入主人在右再拜祝
 告又再拜釋幣制玄纁束奠于几下出主
 人立于戶東祝立于牖西又入取幣降卷
 幣實于筭埋于西階東又釋幣于行遂受
 命上介釋幣亦如之上介及衆介俟于使
 者之門外使者載旌帥以受命于朝君朝
 服南鄉卿大夫西面北上君使卿進使者
 使者入及衆介隨入北面東上君揖使者

進之上介立于其左接聞命賈人西面坐
啓積取圭垂纜不起而授宰宰執圭屈纜
自公左授使者使者受圭同面垂纜以受
命既述命同面授上介上介受圭屈纜出
授賈人衆介不從受享束帛加璧受夫人
之聘璋享玄纁束帛加琮皆如初遂行舍
於郊歛殮若過邦至于竟使次介假道束
帛將命于朝曰請帥奠幣下大夫取以入

ゆの三

告出許遂受幣饗之以其禮上賓大牢積
唯芻未介皆有餼士帥設其竟誓于其竟
賓南面上介西面衆介北面東上史讀書
司馬執筴立于其後未入竟壹肆為壇壇
畫階惟其北無宮朝服無圭無執也介皆
與北面西上習享士執庭實習夫人之聘
享亦如之習公事不習私事及竟張殮誓
乃謁關人關人問從者幾人以介對君使

儀禮

卷

士請事遂以入竟入竟飲禮乃展布幕賓
朝服立于幕東西面介皆北面東上賈人
北面坐拭圭遂執展之上介北面視之退
復位退圭陳皮北面首西上又拭璧展之會
諸其幣加于左皮上上介視之退馬則幕
南北面奠幣于其前展夫人之聘享亦如
之賈人告于上介上介告于賓有司展羣
幣以告及郊又展如初及館展幣於賈人

四ノカ

之館如初賓至于近郊張旌君使下大夫
請行及君使卿朝服用束帛勞上介出請
入告賓禮辭迎于舍門之外再拜勞者不
答拜賓揖先入受於舍門內勞者奉幣入
東面致命賓北面聽命還少退再拜替首
受幣勞者出授老幣出迎勞者勞者禮辭
賓揖先入勞者從之乘皮設賓用束錦儻
勞者勞者再拜替首受賓再拜替首送幣

儀禮

卷七

勞者揖皮出乃退賓送再拜夫人使下大夫勞以二竹篋方玄被纁裏有蓋其實棗栗栗擇兼執之以進賓受棗大夫二手授栗賓之受如初禮饋之如初下大夫勞者遂以賓入至于朝主人曰不腆先君之祧既拚以俟矣賓曰侯間大夫帥至于館卿致館賓迎再拜卿致命賓再拜替首卿退賓送再拜宰夫朝服設飧飪一牢在西

曲ノ五

九羞鼎三腥一牢在東鼎七堂上之饌八西夾六門外米禾皆一十車薪芻倍禾上介飪一牢在西鼎七羞鼎三堂上之饌六門外米禾皆十車薪芻倍禾衆介皆少年厥明訝賓于館賓皮弁聘至于朝賓入于次乃陳幣卿為上擯大夫為承擯士為紹擯擯者出請事公皮弁迎賓于大門內大夫納賓賓入門左公再拜賓辟不答拜公

儀禮

卷

揖入每門每曲揖及廟門公揖入立于中
庭賓立接西塾凡筵既設擯者出請命賈
人東面坐啓積取圭垂纜不起而授上介
上介不襲執圭屈纜授賓賓襲執圭擯者
入告出辭玉納賓賓入門左介皆入門左
北面西上三揖至于階三讓公升二等賓
升西楹西東面擯者退中庭賓致命公左
還北鄉擯者進公當楹再拜賓三退負序

曲六

公復襲皮下玉于中堂與東楹之間擯者退
負東塾而立賓降介逆出賓出公側授宰
玉褻降立擯者出請賓褻奉束帛加璧享
擯者入告出許庭實皮則攝之毛在內內
攝之入設也賓入門左揖讓如初升致命
張皮公再拜受幣士受皮者自後右客賓
出當之坐攝之公側授宰幣皮如入右首
而東聘于夫人用璋享用琮如初禮若有

儀禮

卷六

言則以束帛如享禮擯者出請事賓告事
畢賓奉束錦以請覲擯者入告出辭請禮
賓禮辭聽命擯者入告宰夫徹几改筵
公出迎賓以入揖讓如初公升側受几于
序端宰夫內拂几三奉兩端以進公東南
鄉外拂几三卒振袂中攝之進西鄉擯者
告賓進訝受几于筵前東面俟公壹拜送
賓以几辟北面設几不降階上答再拜誓

而ノ七

首宰夫實醴以醴加和于醴而妨公側受
醴賓不降壹拜進筵前受醴復位公拜送
醴宰夫薦蘩豆脯醢賓升筵擯者退負東
塾賓祭脯醢以和祭醴三庭實設降筵北
面以和兼諸醴尚攝坐啐醴公用束帛建
和北面奠于薦東擯者進相幣賓降辭幣
公降一等辭栗階升聽命降拜公辭升再
拜誓首受幣當東楹北面退東面俟公壹

儀禮

卷之七

拜賓降也公再拜賓執左馬以出上介受
 賓幣從者誣受馬賓觀奉束錦總乘馬二
 人贊入門右北面奠幣再拜替首擯者辭
 賓出擯出坐取幣出有司二人牽馬以從
 出門西面于東塾南擯者請受賓禮辭聽
 命牽馬右之入設賓奉幣入門左介皆入
 門左西上公揖讓如初升公北面再拜賓
 三退及還負序振幣進授當東楹北南士

曲八

受馬者自前還牽者後適其右受牽馬者
 自前西乃出賓降階東拜送君辭拜也君
 降一等辭擯者曰寡君從子雖將拜起也
 栗階升公西鄉賓階上再拜替首公少退
 賓降出公側授牽幣馬出公降立擯者出
 請上介奉束錦士介四人皆奉玉錦束請
 觀擯者入告出許上介奉幣儷皮二人贊
 皆入門右東上奠幣皆再拜替首擯者辭

介逆出擯者執上幣士執衆幣有司二人
舉皮從其幣出請受委皮南面執幣者西
面北上擯者請受介禮辭聽命皆進請受
其幣上介奉幣皮先入門左奠皮公再拜
介振幣自皮西進北面授幣退復位再拜
替首送幣介出宰自公左受幣有司二人
坐鑿皮以東擯者又納士介士介入門右
奠幣再拜替首擯者辭介逆出擯者執上

ウノ九一

幣以出禮請受賓固辭公答再拜擯者出
立于門中以相拜士介皆辭士三人東上
坐取幣立擯者進宰夫受幣于中庭以東
執幣者序從之擯者出請賓告事畢擯者
入告公出送賓及大門內公問君賓對公
再拜公問大夫賓對公勞賓賓再拜替首
公答拜公勞介皆再拜替首公答拜賓
出公再拜送賓不顧賓請有事於大夫公

儀禮

卷之四

禮辭許賓即館卿大夫勞賓賓不見大夫
 奠鴈再拜上介受勞上介亦如之○君使
 卿章弁歸饗籩五牢上介請事賓朝服禮
 辭有司入陳饗飪一牢鼎九設于西階前
 陪鼎當內廉東尚北上上當碑南陳牛羊
 豕魚腊腸胃同鼎膚鮮魚鮮腊設高席
 臠臠蓋陪牛羊豕腥二牢鼎二七無鮮魚
 鮮腊設于阼階前西南陳如飪鼎二列

ゆノ十

堂上八豆設于戶西西陳皆二以並東上
 韭菹其南醯醢屈八簋繼之黍其南稷錯
 六鉶繼之牛以西羊豕豕南牛以東羊豕
 兩簋繼之梁在北八壺設于西序北上二
 以並南陳西夾六豆設于西墉下北上韭
 菹其東醯醢屈六簋繼之黍其東稷錯四
 鉶繼之牛以南羊豕豕豕北牛兩簋
 繼之梁在西皆二以並南陳六壺西上二

儀禮
以並東陳饌于東方亦如之西北上壺東
上西陳醢醢百甕夾碑十以為列醢在東
饋二牢陳于門西北面東上牛以西羊豕
豕西牛羊豕米百管管半斛設于中庭十
以為列北上黍稷稻皆二行稷四行門外
米三十車車乘有五藪設于門東為三列
東陳禾三十車車三秬設于門西西陳薪
芻倍禾賓皮弁迎大夫于外門外再拜大

ゆノ十一

夫不答拜揖入及廟門賓揖入大夫奉束
帛入三揖皆行至于階讓大夫先升一等
賓從升堂北面聽命大夫東面致命賓降
階西再拜稽首拜饋亦如之大夫辭升成
拜受幣堂中西北面大夫降出賓降授老
幣出迎大夫大夫禮辭許入揖讓如初賓
升一等大夫從升堂庭實設馬乘賓降堂
受老束錦大夫止賓奉幣西面大夫東面

儀禮

百六

賓致幣大夫對北面當楹再拜誓首受幣
于楹間南面退東面俟賓再拜誓首送幣
大夫降執左馬以出賓送于外門外再拜
明白賓拜于朝拜饗與籩皆再拜誓首上
介饗籩三年飪一牢在西鼎七羞鼎三腥
一牢在東鼎七堂上之饌六西夾亦如之
管及壘如上賓籩一牢門外米禾視死牢
牢十車薪芻倍禾凡其實與陳如上賓下

ゆ十二

大夫韋弁用束帛致之上介韋弁以受如
賓禮儻之兩馬束錦士介四人皆籩大牢
米百首設于門外宰夫朝服牽牛以致之
士介朝服北面再拜誓首受無擯賓朝服
問卿卿受于祖廟下大夫擯擯者出請事
大夫朝服迎于外門外再拜賓不答拜揖
大夫先入每門每曲揖及廟門大夫揖入
擯者請命庭實設四皮賓奉束帛入三揖

儀禮

卷六

皆行至于階讓賓升一等大夫從升堂北面聽命賓東面致命大夫降階西再拜誓首賓辭升成拜受幣堂中西北面賓降出大夫降授老幣無擯擯者出請事實面如覲幣賓奉幣庭實從入門右大夫辭賓遂左庭實設揖讓如初大夫升一等賓從之大夫西面賓稱曰大夫對北面當楣再拜受幣于楹間南面退西面立賓當楣再拜

曲ノ十三

送幣降出大夫降授老幣○擯者出請事上介特面幣如覲介奉幣皮二人贊入門右奠幣再拜大夫辭擯者及幣庭實設介奉幣入大夫揖讓如初介升大夫再拜受介降拜大夫降辭介升再拜送幣擯者出請衆介面如覲幣入門右奠幣皆再拜大夫辭介逆出擯者執上幣出禮請受賓辭大夫答再拜擯者執上幣立于門中以相

儀禮

卷八

拜士介皆辟老受擯者幣于中庭士三人
坐取君幣以從之擯者出請事賓出大夫
送于外門外再拜賓不顧擯者退大夫拜
辱下大夫嘗使至者幣及之上介朝服三
介問下大夫下大夫如卿受幣之禮其面
如賓面于卿之禮大夫若不見君使大夫
各以其爵為之受如主人受幣禮不拜夕
夫人使下大夫韋弁歸禮堂上籩豆六設

曲禮十四

于戶東西上二以並東陳壺設于東序北
上二以並南陳醎黍清皆兩壺大夫以束
帛致之賓如受饗之禮饋之乘馬束錦上
介四豆四籩四壺受之如賓禮饋之兩馬
束錦明日賓拜禮於朝大夫餼賓大牢米
八簋賓迎再拜老牽牛以致之賓再拜替
首受老退賓再拜送上介亦如之衆介皆
少牢米六簋皆士牽羊以致之公於賓壹

儀禮

曲禮

食再饗燕與羞俶獻無常數賓介皆明日
 拜于朝上介壹食壹饗君不親食使大夫
 各以其爵朝服致之以侑幣如致饗無侑
 致饗以酬幣亦如之大夫於賓壹饗壹食
 上介若食若饗若不親饗則公作大夫致
 之以酬幣致食以侑幣君作弼皮弁還玉
 于館賓皮弁襲迎于外門外不拜帥大夫
 以入大夫升自西階鉤楹賓自碑內聽命

卷九十五

升自西階自左南面受圭退負右房立大
 夫降中庭賓降自碑內東面授上介于阼
 階東上介出請賓迎大夫還璋如初入賓
 謁迎大夫賄用束紉禮圭束帛乘皮皆如
 還玉禮大夫出賓送不拜○公館賓賓辟
 上介聽命聘享夫人之聘享問大夫送賓
 公皆再拜公退賓從請命于朝公辭賓退
 賓三拜乘禽於朝訝聽之遂行舍于郊公

使卿贈如覲幣受于舍門外如受勞禮無
賓使下大夫贈上介亦如之使士贈衆介
如其覲幣大夫親贈如其面幣無復贈上
介亦如之使入贈衆介如其面幣士送至
于竟○使者歸及郊請及命朝服載旌襍
乃入乃入陳幣于朝西上上賓之公幣私
幣皆陳上介公幣陳他介皆否束帛各加
其庭實皮左公南鄉鄉進使者使者執圭

卷十六

垂纁北面上介執璋屈纁立于其左及命
曰以君命聘某君某君受幣于某宮某君
再拜以享某君某君再拜宰自公左受玉
受上介璋致命亦如之執賄幣以告曰某
君使其子賄授宰禮玉亦如之執禮幣以
盡言賜禮公曰然而不善乎授上介幣再
拜誓首公答再拜私幣不告君勞之再拜
誓首君答再拜若有獻則曰某君之賜也

君其以賜乎上介徒以公賜告如上賓之
 禮君勞之再拜稽首君答拜勞士介亦如
 之君使宰賜使者幣使者再拜稽首賜介
 介皆再拜稽首乃退介皆送至于使者之
 門乃退揖使者拜其辱釋幣于門乃至于
 廡筵几于室薦脯醢觴酒陳席于作薦脯
 醢三獻一人舉爵獻從者行酌乃出上介
 至亦如之○聘遭喪入竟則遂也不郊勞

四十七

不筵几不禮賓主人畢歸禮賓唯饗饋之
 受不賄不禮玉不贈遭夫人世子之喪君
 不受使大夫受于廟其他如遭君喪遭喪
 將命于大夫主人長衣練冠以受聘君若
 薨于後入竟則遂赴者未至則哭于巷衰
 于館受禮不受饗食赴者至則衰而出唯
 稍受之歸執圭復命于殯升自西階不升
 堂子即位不哭辯復命如聘子臣皆哭與

介入北鄉哭出袒括髮入門右即位踊若
 有私喪則哭于館衰而居不饗食歸使衆
 介先衰而從之賓入竟而死遂也主人為
 之具而殯介攝其命君弔介為主人主人
 歸禮幣必以用介受賓禮無辭也不饗食
 歸介復命柩止門外介卒復命出奉柩送
 之君弔卒殯若大夫介卒亦如之士介死
 為之棺斂之君不弔焉若賓死未將命則

カクハ

既斂于棺造朝介將命若介死歸復命唯
 上介造于朝若介死雖士介賓既復命往
 卒殯乃歸小聘曰問不享有獻不及夫人
 主人不筵几不禮面不升不郊勞其禮如
 為介三介

記久無事則聘焉若有故則卒聘束帛加
 書將命百名以上書於策不及百名書於

儀禮

卷之八

方主人使入與客讀諸門外客將歸使不
 夫以其束帛及命於館明日君館之既受
 行出遂見宰問幾月之資使者既受行日
 朝同位出祖釋較祭酒脯乃飲酒于其側
 所以朝天子主與纁皆九寸剡上寸半厚
 半寸博三寸纁三采六等朱白蒼問諸侯
 朱纁纁八寸皆玄纁繫長尺緇組問大夫
 之幣俟于郊為肆又齋皮馬辭無常絲而

ゆり十九

說辭多則史少則不達辭苟足以達義之
 至也辭曰非禮也敢對曰非禮也敢啣館
 於大夫大夫館於士士館於工商管人為
 客三日具沐五日具浴殮不致賓不拜沐
 浴而食之卿大夫誨大夫士誨士皆有誨
 賓即館誨將公命又見之以其摯賓既將
 公事復見誨以其摯凡四器者唯其所寶
 以聘可也宗人授次以帷少退于君之

次上介執圭如重投賓賓入門皇升堂讓
將投志趨授如爭俎下如送君還而右退
下階發氣怡焉再三舉足又趨及門正焉
執圭入門鞠躬焉如恐失之及享發氣焉
盈容衆介北面踰焉私覲愉愉焉出如舒
鴈皇且行入門主敬升堂主慎九庭賓隨
入左先皮馬相間可也賓之幣唯馬出其
餘皆東多賓則傷于德幣美則沒禮賄在

禮記

聘于賄允執玉無藉者襲禮不拜至醴尊
于東廟瓦大一有豐薦脯五臠祭半臠橫
之祭醴再扱始扱一祭卒再祭主人之庭
實則主人遂以出賓之士詩受之既覲賓
若私獻奉獻將命擯者入告出禮辭賓東
面坐奠獻再拜替首擯者東面坐取獻舉
以入告出禮請受賓固辭公答再拜擯者
立于闕外以相拜賓辟擯者授宰夫于中

儀禮

庭若兄弟之國則問夫人若君不見使天
 夫受自下聽命自西階升受負右房而立
 賓降亦降不禮幣之所及皆勞不釋服賜
 饗唯羹飪莖一尸若昭若穆僕為祝祝曰
 孝孫某孝子某薦嘉禮于皇祖某甫皇考
 某子如饋食之禮假器於大夫盼肉及廩
 車聘日致饗明白問大夫夕夫人歸禮既
 致饗旬而稍宰夫始歸乘禽日如其饗饋

禮記卷之二十一

之數士中日則二雙九獻執一雙委其餘
 于面禽羞俶獻此歸大禮之日既受饗饋
 請觀訝帥之自下門入各以其爵朝服士
 無饗無饗者無擯大夫不敢辭君初為之
 辭矣凡致禮皆用其饗之加籩豆無饗者
 無饗禮凡籩大夫黍梁稷筐五斛既將公
 事賓請歸凡賓拜于朝訝聽之燕則上介
 為賓賓為苟敬宰夫獻無行則重貺及幣

儀禮

曰子以君命在寡君寡君拜君命之辱君
以社稷故在寡小君拜又拜送君貺寡君
延及二三老拜賓於館堂楹間釋四皮束
帛賓不致丰人不拜大夫來使無罪饗之
過則餼之其介為介有夫客後至則先客
不饗食致之唯大聘有儿筵十斗曰斛十
六斗曰藪十藪曰秉二百四十斗四秉曰
管十管曰稜十稜曰秬四百秉為一秬

儀禮卷第九

公食大夫禮第九

題注

鄭目錄云
主國君以

禮食小聘大夫之禮於五禮屬嘉禮
大戴第十一五小戴第十一六別錄第九
公食大夫之禮○使大夫戒各以其爵上
介出請入告三辭賓出拜辱大夫不答拜
將命賓再拜稽首大夫還賓不拜送遂從
之賓朝服即位于大門外如聘即位具羹
定甸人陳鼎七當門南面西上設荷鼎

若束若編設洗如饗小臣具槃ハシ在東堂
下宰夫設筵加席ハシ無尊飲酒漿飲俟于
東房ハシ凡宰夫之具饌于東房公如賓服迎
賓于大門內大夫納賓賓入門左公再拜
賓辟再拜サテ誓首公揖入賓從及廟門公揖
入賓入三揖至于階三讓公升二等賓升
大夫立于東夾南ハシ西面上士立于門東
北面西上小臣東堂下南面西上宰東夾

禮記卷之三

北西面南上ハシ內官之士在宰東北西面南
上介門西北面西上公當楯北鄉至再拜
賓降也公再拜賓西階東北面答拜擯者
辭拜也公降一等辭曰寡君從子雖ヒ再拜
興也セ下賓栗階升不拜命之成拜階上北面
再拜誓首士舉鼎去鼎於外次入陳鼎于
碑南南面西上右人抽スキ爲坐奠于鼎西南
順出自鼎西左人待載雍人以俎入陳于

儀禮

卷之三

鼎南旅人南面加七于鼎退大夫長盥洗
東南西南北上序進盥退者與進者交于
前卒盥序進南面七載者西面魚腊飪載
體進奏魚七縮俎寢右腸胃七同俎倫膚
七腸胃膚皆橫諸俎垂之大夫既七七奠
于鼎逆退復位公降盥賓降公辭卒盥公
壹揖壹讓公升賓升宰夫自東房授醢醬
公設之賓辭北面坐遷而東遷所公立于

曲ノ代回

序内西鄉賓立于階西疑立宰夫自東房
薦豆六設于醬東西上韭菹以東醢醢
本目本南麋麋以西菁菹鹿麋士設俎于
豆南西上牛羊豕魚在牛南腊腸胃亞之
膚以為特旅人取七甸人鑿鼎順出奠于
其所宰夫設黍稷六簋于俎西二以並東
北上黍當牛俎其西稷錯以終南陳大羹
湆不和賓于鐙宰右執鐙左執蓋由門入

儀禮

卷之七

升自阼階盡階不升堂授公以蓋降出入
及位公設之于醬西賓辨坐遷之宰夫設
鉶四于豆西東上牛以西羊南豕豕以
東牛飲酒實于觶加于豐宰夫右執觶左
執豐進設于豆東宰夫東面坐啓篚會各
卻于其西贊者負東房南面告具于公公
再拜揖食賓降拜公辭賓升再拜誓首賓
升席坐取韭菹以辨擣于醢上豆之間祭

廿五

贊者東面坐取黍實于左手辨又取稷辨
及于右手興以授賓賓祭之三牲之肺不
離贊者辨取之壹以授賓賓興受坐祭抗
手扱上鉶以和辨擣之上鉶之間祭祭飲
酒於上豆之間魚腊醬醢不祭宰夫授公
飯梁公設之于潛西賓北向辨坐遷之公
與賓皆復初位宰夫膳稻于梁西士羞庶
羞皆有夫蓋執豆如宰先者及之由門入

儀禮

卷三

升自西階先者一人升設于稻南簋西間
容人旁四列西北上脚以東臚臚牛炙炙
南醢以西牛臠醢牛鮓鮓南羊炙以東羊
臠醢豕炙炙南醢以西豕臠芥醬魚臚衆
人騰羞者盡階不升堂授以蓋降出一人
贊者負東房告備于公贊升賓賓坐席末
取梁即稻祭醬滯間贊者北向坐辯取麥
羞之大興一以授賓賓受兼壹祭之賓降

廿六

拜公辭賓升再拜稽首公答再拜○賓北
面自間坐左擁簋梁右執滯以降公辭賓
西面坐奠于階西東面對西面坐取之栗
階升北向及奠于其所降辭公公許賓升
公揖退于箱擯者退負東塾而立賓坐遂
卷加席公不辭賓三飯以滯醬宰夫執觶
漿飲與其豐以進賓扱手興受宰夫設其
豐于稻西庭賓設賓坐祭遂飲奠於豐上

禮記

卷之六

公受宰夫束帛以侑西鄉立賓降筵北面
 擯者進相幣賓降受幣升聽命降拜公受
 賓升再拜替首受幣當東楹北面退西楹
 西東面立公壹拜賓降也公再拜介逆出
 賓北面揖執庭實以出公降立上介受賓
 幣從者訝受皮賓入門左設霤北面再拜
 替首公受揖讓如初升賓再拜替首公答
 再拜賓降辭公如初賓升公揖退于箱賓

廿七

卒食會飲三飲不以醬酒洗手與北面坐
 取梁與漿以降西面坐奠于階西東面再
 拜替首公降再拜介逆出賓出公送于木
 門內再拜賓不顧有司卷三牲之俎歸于
 賓館魚腊不與明日賓朝服拜賜于朝拜
 食與侑幣皆再拜替首訝聽之上大夫八
 豆八簋六釂九俎魚腊皆二俎魚腸胃倫
 膚若九若十有一下大夫則若七若九庶

羞西東毋過四列上大夫庶羞二十加於
 下大夫以雉兔鶉鴛若不親食使大夫各
 以其爵朝服以侑幣致之豆實實于壘陳
 于楹外二以並北陳簋實實于篚陳于楹
 內兩楹間二以並南陳庶羞陳于碑內
 實陳于碑外牛羊豕陳于門內西方東上
 賓朝服以受如受饗禮無饋明白賓朝服
 以拜賜于朝訝聽命大夫相食親戒速迎

廿九

賓于門外拜至皆如饗拜降盥受醬
 幣束錦也皆自作階降堂受授者升一等
 賓止也賓執梁與滯之西序端主人辭賓
 及之卷加席主人辭賓及之辭幣降一等
 主人從受侑幣再拜替首主人送幣亦然
 辭於主人降一等主人從卒食徹于西序
 端東面再拜降出其他皆如公食大夫之
 禮若不親食則公作大夫朝服以侑幣致

之賓受于堂無饋
 記不宿戒戒不速不授几無作席亨于門
 外東方司官具几與蒲筵常緇布純加萑
 席尋玄鳥純皆卷自末宰夫筵出自東房
 賓之乘車在大門外西方北向立劔莞牛
 霍羊苦豕薇皆有滑贊者盥從俎升簋有
 蓋寡几筵無贊上大夫蒲筵加萑席其純
 皆如下大夫純弼攬由下上贊下大夫也

四十九

上大夫廢羞酒飲漿飲廢羞可也拜食與
 侑幣皆再拜贊首

升聽命降再拜稽首遂升受王使者左還而立侯氏還璧使者受侯氏降再拜稽首使者乃出侯氏乃止使者使者乃入侯氏與之讓升侯氏先升授几侯氏拜送几使者設几答拜侯氏用束帛乘馬儻使者使者再拜受侯氏再拜送幣使者降以左驂出侯氏送於門外再拜侯氏遂從之天子賜舍曰伯父女順命于王所賜伯父舍侯

四ノ一

氏再拜稽首儻之束帛乘馬天子使大夫戒曰某日伯父帥乃初事侯氏再拜稽首諸侯前朝皆受舍于朝同姓西面北上異姓東面北上侯氏禪冕釋幣于禰乘墨車載龍旂弧韜乃朝以瑞玉有纁天子設芥依於戶牖之間左右几天子衮冕負芥依齋夫率命告于天子天子曰非他伯父實來予一人嘉之伯父其入予一人將受之

侯氏入門右坐奠圭再拜誓首擯者謁侯
 氏坐取圭升致命王受之玉侯氏降階東
 北面再拜誓首擯者延之曰升升成拜乃
 出四享皆東帛加璧庭實唯國所有奉束
 帛匹馬卓上九馬隨之中庭西上奠幣再
 拜誓首擯者曰予一人將受之侯氏升致
 命王撫玉侯氏降自西階東面授宰幣西
 階前再拜誓首以馬出授人九馬隨之事

四世

畢乃右肉袒于廟門之東乃入門右北面
 立告聽事擯者謁諸天子天子辭於侯氏
 曰伯父無事歸寧乃拜侯氏再拜誓首出
 自屏南適門西○遂入門左北面立王勞
 之再拜誓首擯者延之曰升升成拜降出
 天子賜侯氏以車服迎于外門外再拜路
 先設西上路下四亞之重賜無數在車南
 諸公奉篋服加命書于其上升自西階東

面大史是右侯氏升西面立大史述命侯
氏降兩階之間北面再拜誓首升成拜大
史加書于服上侯氏受使者出侯氏送再
拜儻使者諸公賜服者束帛四馬儻大史
亦如之同姓大國則曰伯父其異姓則曰
伯舅同姓小邦則曰叔父其異姓小邦則
曰叔舅饗禮乃歸諸侯覲于天子為宮方
三百步四門壇十有二尋深四尺加方明

四卅三一

于其上方明者木也方四尺設六色東方
青南方赤西方白北方黑上玄下黃設六
玉上圭下璧南方璋西方琬北方璜東方
圭上介皆奉其君之旂置子宮尚左公侯
伯子男皆就其旂而立四傳擯天子乘龍
載大旆象日月升龍降龍出拜日於東門
之外及祀方明禮日於南門外禮月與四
瀆於北門外禮山川丘陵於西門外祭天

儀禮

百三十一

